

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

補編第七二冊目次

李卓吾先生遺書二卷附一卷

〔明〕李贄撰
明萬曆四十年刻本

一

李氏續焚書五卷

〔明〕李贄撰
明刻本

七七

天慵子集二十卷首一卷末一卷附依歸草二卷

〔明〕艾南英撰
附〔清〕張符驥撰
清康熙刻本

一七九

兩洲集十卷

〔明〕吳時行撰
明崇禎刻本

五四三

李卓吾先生遺書二卷附一卷

〔明〕李贄撰

明萬曆四十年刻本

杭州大學圖書館藏

卓老尺牘見於刻行焚書者什之二
四耳鄙意以盡為極出稍擇其粹者
行之剞劂不意吾兒為逝所收半已散軼
亡其存者遺往煩

昂梓行之以俟識者之自擇其亦可也

跋白

大末五册

馬

刻李卓吾先生遺書小序

余素仰慕卓吾先生渴欲一見顏色人傳先生

善罵人又不與人接談顧余慕先生甚雖善罵

人不與人接談願一見也及與友人吳得常謁

先生先生顧獨喜余二人且蒙倒屣且蒙枉駕

娓娓談不置余竊怪與所聞相謬斂前後受益

先生者宏且侈載在永慶答問中踰五年先生

沒並爭傳先生書不啻貴洛陽紙也夫並人嚴

畏先生故不安先生而廣行先生教言此非其

真心不可磨滅者耶壬子秋余尋諸友舊盟奉

澹園焦先生教語及先生焦先生因出先生遺

書示余書皆未經傳布者余得書甚喜亟讀之

如飲蘭露餐松液兩腋風生又如衝霜雪之途

獲透汗也渾身融暢矣是惡可以不傳亟付陳

大來氏壽之梓梓成余竊歎先生具千古之隻

眼覺一並之贖贖嘻笑怒罵無非佛事樂說默

狀無非法門並人偷食視蔭奄奄如泉下人空

為先生唾罵有能負出並志堅立脚跟宜為先

生嘉與執着語言葛藤不斷則先生可以嘿若
相視而咲莫逆于心則先生可以語讀先生遺
書者請各自觀省于上四者奚若便自志意悚
然將爽然得解于言語文字之外是爲親見先
生面顏親聆先生聲咳者

昔

萬曆壬子季冬之吉新安後學余永寧書



李卓吾先生遺書目錄

卷之上

書

與耿楚侗

與方詡菴

與周友山

答駱副使

復楊生定見

與劉肖川

與周友山

答僧心如

與焦弱侯二十三通

與吳得常

與馬伯時

又

答友人

與周貴卿

答友人

與李惟清

又答李惟清

與耿子健納言

又與耿子健

答代州劉戶曹敬臺

又答劉敬臺

答潘王

答高平馬大尹

與耿叔臺

與潘雪松

答劉晉川

與友人三首

復梅客生

答馬侍御

與夏道甫

卷之下

雜著

敘老人行

窮途

金剛說

隱者說

焦後渠八十壽言

王母壽篇

壽劉晉川六十文

書蘇長公外紀後

書應方卷後

西征奏議後語

讀金滕

子伋子壽

三教婦儒

衛玠問夢

庾公不遣的盧

史魚禽息

孔融有自然之性

序篤義

王維譏陶潛

論交難

其思葦子

裴耀卿疏救楊濬坐賊免答辱准折贖

譎奸論

強臣論後

詩

將到雲中

大同城

觀兵城東門

讀書燈

贈閱藏師僧 石潭卽事四絕

詠古五首

入山得焦弱侯書有感五言二首

江上望黃鶴樓

雨後訪段嚴庵禪室兼懷焦弱侯舊友

李見田邀遊東湖二律

益孟庵聽誦華嚴并喜雨二首

顧冲庵登樓話別

暮雨 大智對雨

獨坐 偶遊

哭承庵 中秋見月感念承庵

哭貴兒二首 憶黃安人二首

初居湖上 湖上逢方孝廉

丘長孺訪予湖上兼有文玉

和丘長孺醉後別意

春夜

因方子及戲陸仲鶴二首

雪後

除夕李士龍至得吾字

中秋月 中秋對月寫懷

初雪 寄方子及提學二首

至後大雪呼鄰人縫衣帶因感而賦之

宿天臺頂 登樓篇

戲袁中夫 送馬誠所侍御北還

乍寒 雨其

薊北遊寄雲中歐江詞伯

客吟四首 讀顧冲庵辭疏

附錄

祭卓吾先生文 陶望齡 哭卓吾先生文 方時化

卓吾先生告文 汪本銅 卓吾先生告文 余永寧

紀事十絕 方沆 弔李卓吾二絕 周汝登

薦李卓吾先生疏 拜懺功德疏

李溫陵傳 袁中道

馬誠所先生與京中諸老書

李卓吾先生遺書目錄終

書

與耿楚侗

垂間萬事皆假人身皮袋亦假也。然既已假合而為人。一失調護百病頓作。可以其為假也。而遂不以調攝先之。心誠求之乎。今日之會調劑之方也。要在兄心誠求之耳。此成已成物一體之學。侗老所以真切示人者。兄獨不聞之乎。若謂大休歇人到處自在。只好隨時着衣喫飯。度

日。則孔聖何以汲汲。孟氏何以遑遑。達磨不必東度。青牛不之流沙。從前祖師棒喝交馳。建立道場。作人天眼。盡為沒來由底漢矣。此必有不容自己者。韓子曰。聖賢者時人之耳目也。時人者聖賢之身也。他是文儒尚能道此。況以賢聖自命者哉。知已終日釣臺。整頓收拾。十分全力。用之友朋。而推其餘者。以理紛雜。此正所望以承先聖者。恐諸公未悉。故于此日獨申明之云。

與方詡菴

弟自二月初回湖。之廬。即欲附一書奉慰。素

無鴻便。又不見有寧州使者。是以到今也。征途與共一冊。是去冬別後物。似妥當可觀。故久欲奉。不能得奉。今春湖上纂讀孫武子十三篇。以六書參考。附著于每篇之後。繼之論著。果係不刊之書矣。夏來讀楊升菴集。有讀升菴五百葉。升菴先生固是才學卓越。人品俊偉。然得弟讀之。益光彩煥發。流光於百世也。岷江不出人。則已。一出人。即為李謫仙。蘇坡仙。楊戩仙。為唐宋

并我。朝特出。可怪也哉。餘瑣瑣別錄。或三十葉。或七八十葉。皆老人得意之書。惜兄無福。可與我共讀之也。然兄居位臨民。亦自有真功德。日積月累。以行菩薩發慈悲布弘願之事。又非鄙野抱空文無實用者之比矣。知州為親民之官。寧州為直隸之郡。江西為十三省之首。且五品之祿不薄。一日有祿。可以養吾積德。累行之身。大夫之官亦尊。一日居尊。得以行吾積德。累行之政。五十之季不大。時正窮壯。正好施吾澤

民報主之實然皆有志者之所忻望而不能得者。漢時爲吏，至長子孫亦以其施澤於民者易也。據近民之位，行易施之澤，又何求乎？觀音菩薩以救苦救難爲事業，唯恐不得。正今日之謂矣。若謂同時登第者，今爲宰輔，爲卿相，次亦爲都堂巡撫，未免忻羨，怨尤於中，則市井人耳，豈可以語於兄之前哉？則假道學人耳，豈可以語於真吾子之友之前哉？二月初間，所欲閱之兄者，卽此也。願兄勿以遷轉爲念，唯以得久處施

之二氏之言

文

澤於民爲心，則天地日月昭鑒吾兄名位不期，而自高，子孫不期盛而自盛矣。非誣飾之詞也。且久處則祿有餘贏，亦可以分給宗族友朋之貧者。我雖貧，然已爲僧，不愁貧也。唯有刻此一種書，不得不與兄乞半俸耳。此二書全賴兄與陸天溥都堂爲我刻行，理當將書付去，然非我親校閱入梓，恐不成書耳。兄可以此書卽付陸都堂，豫約真可讀讀之，便淚流老子於此千百，垂不得磨滅矣。恨 = 快 =

與周友山

今季不歿，明年不歿，季季等歿，等不出歿，反等出禍，然禍來又不卽來，等歿又不卽歿，真令人歎塵世苦海之難逃也。可如何，但等歿之人，身心俱滅，筋骨已冷，雖未歿，卽同歿人矣。若等禍者，志慮益精，德行益峻，磨之愈加而愈不可殲，涅之愈甚而愈不可淄也。是吾福也。夫福來何以受之乎？唯有禮三寶，塑佛誦經，以祈國泰民安。主壽臣賢而已。又何以銷之乎？唯有樽節

之二氏之言

文

刻厲晝夜讀書，期與古先聖哲合德而已。夫旣以此受福，又以此銷福，則禍來又何必避？苦海又安知不是我老者極樂之處耶？今貝經已印，有幾大部矣。佛菩薩羅漢伽藍韋馱等，又已儼然各有尊事香火之區矣。獨老子未有讀書室耳。欲于佛殿之後，州創一閣，閣下藏書，并安置所刻書板，而敞其上，以備行吟諷誦，兄能捐俸助我乎？三品之祿，一年助我，兩年貽厥，孫謀未爲不當也。

答駱副使

某麓疎無用人也。又且傲慢好自用。夫自用則不能容物。無用又不能理物。其得爾三載于滇中者。皆我公委曲成全之澤也。物猶知感。而况人乎。優游以來。終季兀坐戶外。事無知者。是以無由致私祝于下執事也。乃過辱不忘。自天及之。何太幸。何太幸。寂寞枯槁。居然有春色矣。新邑僻陋。實甚。然為居食計。則可保終老。免逼迫之憂。何者。薪米便也。若為學道計。則豪傑之難

李氏道言 卷一

三

久矣。非惟出並之學。莫可與商。證者求一超。然在並丈夫。亦未易一遇焉。是以開春。便理舟楫。動遠遊之興。直下赤壁磯頭矣。而筋力既衰。老病遽作。不得已復還舊隱。且賤眷為累。亦未易動移也。則其勢自不得不閉戶獨坐。日與古人為伴侶矣。重念海內人豪如公者。有幾。不知何時。按臨此土。俾小子復遂樞趨之願。乃以近年學古所獲者。一一請正于大方也。

復楊生定見

文章若未到。家須到家。乃已。既到家。又須看命。

安命。命苟未通。雖楊雄東方生。且無之。奈何。况吾儕乎。平生未嘗有十年二十年工夫。縱得之。亦當以僥倖論。不得則其常。未可遽以怨天尤人為也。在今日。只空白自信。自修。益堅益厲。務求到家而後已。必得前進。而後快。斯為男兒志氣耳。且既讀書為弟子員。若不終身守業。則又何所事。以度日乎。如種田相似。年年不輟。時時不改。有秋之獲如此。無成之歲亦如此。安可以一

李氏道言 卷一

五

耕不獲。而遂弃前事耶。念之。念之。劉公於國家為大有益人。於朋友為大可喜人。渠見朋友形骸俱遺。蓋真實下問。欲以求益。非借此以要名如並人之為也。

與劉肖川

人生別離最苦。雖大慈氏亦以為八苦之一。况同志乎。惟有學出並法。無離無別。無愛無苦。乃可免也。故曰。吾知免夫。尊翁茲轉甚當。但恐檀越遠去。外護無依。不肖當為武昆魚。任人膾炙。

矣。公心腸肝膽原是一付。而至今未離青衿行輩。則時之未至。但當涵養以俟。不可躁也。大才當晚成。良工不示人以朴。此非直爲馬伏波寬譬。蓋至理耳。龍溪先生全刻。雖背誦之。可學問。在此。文章在此。取科第在此。就功名在此。爲經綸參贊之業亦在此。只熟讀此。無用他求。他求反不精。不得力矣。

與周友山

最恨戒禪師復來作蘇子瞻戒禪師雲門嫡孫

李氏道書

卷一

一

也。載之傳燈。爲雙泉寬第一子。寬受雲門大師印可。方再傳。便尔舛錯。復受後有。則傳燈諸有名籍者。豈能一一出盡了生歟乎。既不能了。則學道何益。僕實爲此懼。且戒禪師縱不濟事。定勝子瞻幾倍。一來蘇家投胎。便不復記憶前身。前事賴參寥諸禪激發。始能說得幾句義理。禪耳。其不及戒禪師。不言又可知也。况於文字上。添了許多口業。平生愛國憂民。上又添了許多善業。臨到常州回首時。不但這幾句義理禪作

障業。我知平生許多善業口業。一一現前。必定被此二業牽去。又不知作何狀矣。愈來愈迷。求復爲東坡身。我知其不可得也。蓋學道之人。本以了生歟爲學。學而不了。是自誑也。老子云。吾有大患。謂吾有身。若吾無身。更有何患。古人以有身爲患。故欲出離以求解脫。苟不能出離。非但轉輪聖王之極樂極富貴。釋迦老子不屑有之。卽以釋迦佛加我之身。令我再爲釋迦出盡教化諸衆生。受三界二十五有諸供養。以爲三千大千世界人天福田。以我視之。猶入廁處穢掩鼻閉目之不暇也。何也有身是苦。非但病時是苦。卽無病時亦是苦。非但死時是苦。卽未死時亦是苦。非但老年是苦。卽少年亦是苦。非但貧賤是苦。卽富貴得意亦無不是苦者。知此極苦。故尋極樂。君不見劉思雲垂絕時乎。但知思雲垂絕之苦。不知其正前呼後擁時。驚心動念苦已萬倍矣。特送在苦中不自覺耳。彼不學道。早求解脫。不必言矣。不知戒禪師何以強顏復

李氏道書

卷一

一

出也。果如戒禪師，則與不知參禪學道者一律未審于何蹉過。幸一教我業緣易染，生歿難當。僕非病道一番，未必如此着忙。

答僧心如

所言夢中作主不得此疑，甚好學者但恨不能疑耳。疑即無有不破者，可喜。可喜，晝既與夜異，夢既與覺異，生既與無生異，滅既與無滅異，則學道何爲乎？如何不著忙也。願公但時時如此着忙，疑來疑去，畢竟有日破矣。

與焦弱侯

弟正月末可至黃安，兄如來往平，可約定林及一二相知者至彼一會，不惟干耿門弔禮不失，亦可以慰渴懷也。至仰至仰，弟自三月卽閉門專爲告歸一事，全不理事矣。至七月初，乃始離任，因茲得盡覽滇中之勝，殊足慰也。又得姚安一生爲郭萬民者相從，自三月起頗有尋究下落處，竊自忻幸，以爲始可不負萬里遊。又更奇耳，此生雖非甚聰慧，然甚得循老體質，有獨行

之意。今於佛法分明有見，雖未知末後一著與向上關捩，然從此穩實，大段非莊純夫比矣。弟南北雲遊，苦未有接手英雄奇特漢子。此子稍稱心云，雖非無益大年，諸老可比，然邊地得此亦足奇矣。弟書籍古硯等煩，兄爲我查理，倘先寄舟中同來更妙。虛谷聞已受辱，房產盡落人，手恐弟寄物未必存也。李如真兄曾在閩中，竟不與我一兩字，誠所謂套中人也。倘得至黃安會聚，更妙更妙。餘未一一，因行者係方訥菴堂弟，先欲同弟出去，偶有袁武定四府差便，卽時同行，故于燈下艸奉訊云耳。李翰兄家事近何如？弟此間日夜追思不已也。

二

僕初夏到此，中伏卽臥病，至今日乃可。馬大回接翰示，謂數日可得相見，不意兄之難動移也。此間可謂絕學，真得黃帝老君宗旨，而自謂則曰孔孟吾蓋不識所謂矣。獨坐窮山，足音不聞，欲無病得乎？兄幸撥冗一來，尚有許多商訂也。

敝寓後首稍葺補一書館庶有見容會友之處
然半步不許出門出卽坑塹倘掩鼻閉口塞耳
漫尔經行數步雖竟日亦無歇脚處欲歇脚須
之城隍廟冷地定氣也但恐小腸氣復上苦無
醫工則又不如堅臥閉戶之爲愈此等妙勝僕
敢自享願與老兄共之望乞決行以慰渴饑行
時乞拉許君與偕并約定林隨從至望蓋定林
初與僕會于此時僕未有止息之所故不敢畱
今僕寂寥如此定林能忍然乎且僕無事人也
或行或止皆可與同非昔日白下之比有渠書
甚詳可爲勸之偕來望也

三

如真兄來辱惠我書札此時固已恨兄之不能
來也如真兄回弟固始啼然欲作數字寄兄當
亦無難所恨思兄不置耳此間大蓋樓屋精舍
于釣臺待賢者至止弟亦另設精廚寢食其上
爲賢地主楚倥兄朝夕在其間誠可樂也書厨
在兄所者來時幸便携至其在虎谷上人者當

專人檢閱方可若兄從陸行則不能携矣王生
名柯號橫崖以順便行商專志訪友見兄兄其
幸正之子姪漸次長大何以了此業累尊翁年
高朝夕何以甘旨頭種一矣舉子業事何以銷
繳貨殖傳誠不可不讀也遊俠傳我輩讀之殊
深媿焉便中艸此不一

四

近况何如尊翁康健何如初菴時二相聚否此
兄雖未能脫前中習氣然亦自益並不易遽得
願兄時屈已與之會渠近已知叅學不孟浪也
侗老十月初十爲耳順誕期大會親知兄可同
如真一枉駕到此弟且得同舟或隨車回白下
矣艸二不盡

五

耿子健歸承教言足矣乃有許多物不大爲寒
士費乎中間教以勿談並事此弟所素不知談
者不知兄何所聞而云爾也弟自弱冠糊口四
方靡日不逐時事奔走方在事中猶如聾啞全

不省視之矣。乃以今日入山之深，而故喜談樂道之哉。實無有是語也。所謂立言云者，不過一時憤激之詞，非弟事也。弟志也。待木之人，望兄速了業緣，以闡揚光大此學，為不朽事業，不敢專以有盡有漏之圖期。兄故輒及之。文章鳴丑，與道德垂芳等。伏眾生盡時，則此名盡。大丈夫不願寢處其中也。貫齋出京，嘗已久，仲崔乾齋諸兄入覲，并一二會試同志，載得相聚，艸野之人，嬾散不欲馳書京國，然此懷則嘗在左右也。

李氏遺書

卷二

十一

山中寂寞無侶，時取史冊披閱，得與其人會覲，亦自快樂。非謂有志于博學宏詞科也。嘗謂載籍所稱，不但赫然可紀述于後者，是大聖人縱遺臭萬年，絕無足錄。其精神巧思，亦能令人心羨。况真正聖賢，不免被人細摘，或以浮名傳頌，而其實索然。自古至今，多少冤屈，誰與辨雪。故讀史時，真如與百千萬人作對敵，一經對壘，自然獻俘授首，殊有絕致。未易告語。近有讀史數十篇，頗多發明，入九以後，雪深數尺，不復親

近冊子，偶一閱，子由老子解，乃知此君非深老子者。此老蓋真未易知也。呵凍作解老一卷，七日而成帙，自謂真喻，今亦未暇錄去。待春煖凍解，抄出呈上取證，何如。附去狂狷論一篇，請批。刺下示，甚欠湖白細細，得意後買以寄我。可聞有王壺科筆，近甚有名，此但聞名，須親試，乃得。茹真兄尚未見到，即有白面扇，可書字，奉相知一咲矣。今無有不欲於白東授受也。更望咲置。

李氏遺書

卷一

一

六

真詮出門方一日，而彭生至矣。接手教如面也。楞嚴會安得有生同參其間乎。具在詡菴啓中，第賜覽之所托，李如真買荆川連，殊不佳，難以書寫。諸兄有相念者，但囑令買此物轉寄可矣。欲印刷二十餘冊，解老去，而馬大即於山中告別容後便寄去，擇可與言者與之，亦不枉作解老一場也。

七

二君來知兄不得來矣，令小待弟同往。高子不能待，今須純夫至。春初決無不往之理矣。願方二書奉上，看說可轉去。此時人盡勢利，弟言安足用哉。然兄有命，弟其敢辭。方書方發，適高許二君至，今書直言山墳事耳。見初兄可索前書也。即不見亦無妨。小詩奉和來教，幸改正。解老板弟欲發去，竟不果。見有曰本附去，但以與能觀喜觀者，勿漫置之。覆醬家也。段披風一件奉上。此雖製自滇中，然僅一掛體耳。筆殊不

李氏遺書

卷上

十五

佳。此中惟紙筆等物難。高子來極好多帶，乃一件無有。真俗士哉。貨物殊多，獨欠此耳。聞與吳李二公有會，甚奇，甚奇，但不知會何事也。欲何言也。有玄言幸寄我，百未盡。高子門外催促再且三故州。

八

臘底禿麻城，與周柳塘相約潭上，爲一春之詠。偶接羅近溪老書，遂歸與欲來人相會，并請之。三月間到此，老決然一來也。所委文元日即

有稿，但未識可用與否。今付觀海人去，如可用，幸改削擲下，便可書幅。如原教復上也。咫尺未由申膝，如何。雪夜初凍，不能縷悉。惟時寄音以慰遠懷，至望至切。

九

人來得書，時正入山，故喜而有述。既書扇奉去矣。此地得書難，得君詩尤難，當必有報我瓊瑤者。望之。有詩即書扇并惠我。白扇數握，度便時寫寄焉。壽言如命書幅，貯竹筒寄空菴上去。

李氏遺書

卷一

今空菴復自九江還入山，不果至白下。此筒仍寄團風，故復令耿使便過賚奉。想必達也。東溟兄時在天窩，近山從之行，但不同至黃安耳。東溟亦不久住此。兄挫抑之後，收斂許多，殊可喜。殊可喜。雅娛閣詩序，當盛傳文，非感時發已。或出自家經畫康濟，千古難易者，皆是無病呻吟，不能工。故此序與高鴻臚銘志及時文引，必自傳丑。何者，借他人題目，發自己心事，故不求工自工耳。然則卓吾居士傳可少緩耶。弟待此